

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Mercavièri, in piazza Contarene e in Borg di S. Bortolomio

Abonaments par l'interno un An quatri francs, sis mes doi francs: par l'estero (l dopli).

Inserzioni: intindisi cu l'Aministrazion. Mandà i bez ouu letare raccomandade o in vaglia postal al sempris indirizz: **Aministrazion dal Florean dal Palazz — Udin.**

GISULFO A FLOREAN

Letere viarte.

Tu, ciar miò Florean, tu ti lementis simpri di miserie. L'ul di, che no tu stas in zornade, opur no tu us dati lis mans ater. T'insegnarai jo, ce che tu has di fa par vivi di sior cun poce fadie.

Ciate fur un tirepis. che al ziri pe piazze e che al nalmi, cui che varess bisugne di un miar di francs. E il tirepis lu ciate siour. Tu par decoro no tu has di figurà, ma lasse, che il tirepis, a non so, al ritiri la cambial cu la seconde firme. Se ocorarà une firme false, il tirepis al sa dulà dà dal nas. Intant il tirepis ritire la cambial e al stabiliss, che dopo tre quatri diis il puar diaul al torni a cioli i bēz. Il puar diaul al ven e il tirepis al zure, che i veve promitude la some il tal, ma che lu spietave e che al è stat tradit ance lui. Par no mancià di peraule al ha dovut ricori a sior N. N. il qual par fa un plasè al fasè tacà un ciaval e ju a Udin. Zire di cà e zire di là, al ha dovut finalmentri fa une istanze ala Bance e presentà une seconde firme commercial cognossude in citat, a la qual al ha scognut dà une buine mandule e spietà fin tal indoman par javà i bēz. Il tirepis al zure su l'onor so, che tra l'interess a Udin, tra la mandule, tra il ciaval e lis spesis a la locande i son lās dusinte francs.

Ma culi nol fñiss dutt. Il tirepis al dis di vè dovut lassà une cuintricambial e incontrà chestis e chestis spesis. In fin dai cons il puar diaul, che al ha firmat par mill francs an tire siscent di restituissi dopo doi mes. Ma doi mes stan pōc a passà. Il sior al ul vè i bēz, il tirepis va a ciatà il debitor. Chest al pree di vè indulgenze; ma lis cambials no cognossin indulgenzis: o pajà e protest. Fur il tirepis si mov a compassion e al promett di studiai su. Tal passandoman al torne dal debitor. I dīs che

un tal al varess i bēz, ma al compro galet e sè no i dan il vodagn che i daress la galet, no ju impreste. Il puar diaul, che al ha il lazz al cuel, domande: ce, tant? — Vedarai, procurarai di tirà ju. Intant par là plui siour, si fas sottoscrivi une cambial in blanc. Dopo doi diis s-ciad la cambial vecie; il puar diaul bisugne che al viodi clar. — Mill e quattri cent francs ul ve il sior de galet, e cussi al pajarà lui la cambial ala Bance. Ohimè, o soi finit — No zove, il sior mi fas doman la proteste e jo bisugne che te la fasi a ti. Ecco doplis spesis, uscirs, avocaz, sentenziis, astis; altri che quatricent francs; e po il dishonori! Il puar diaul devi rindisi. Intant vegin altris disgraziis. La cambial si rinove par tre mes e si puarte a doi mill francs e po si stabilis l'ultim timp di quatri mes cun doi mill e vot cent francs. In te ultime cambial al figure creditor il tirepis, e chest cun att notaril al dà in pajament al so principal la cambial stesse. E il principal s'ipoteche e apene s-ciadude, al fas i azz esecutivs e al mande al'aste dodis ciamps e la ciase dal puar diaul e po al comprè dutt par quatri mill francs, che apene e bastin a pajà la cambial e lis spesis.

Cussi cun siscent francs tu podaressis, ciar Florean, in dodis mes vodagnà almanco dodis mill francs. No jè gruesse la torte, nol è che il doi mill par cent che in boccon o in bevande capitin a la fin da l'an; ma tant al è mior che nuje. Laressin po mior i afars, se tu ciolessis par socio Venturin e par tirepis Baleben. In doi tre agns podaressis fa passà in dite uestre i stabii di almanco *cinquante* sis fameis di contadins e po vendiju cun bon vodagn, senze pericul di là in preson. Al plui si comprometares il tirepis, ma tu no; tu invece tu laressis in carrozze e a la buteghe dugg ti faressin riverenze. Florean, approfite e im-

Gisulfo.

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Mercavièri, in piazza Contarene e in Borg di S. Bortolomio

Abonaments par l'interno un An quatri francs, sis mes doi francs: par l'estero (l dopli).

Inserzioni: intindisi cu l'Aministrazion. Mandà i bez ouu letare raccomandade o in vaglia postal al sempris indirizz: **Aministrazion dal Florean dal Palazz -- Udin.**

GISULFO A FLOREAN

Letere viarte.

Tu, ciar miò Florean, tu ti lementis simpri di miserie. L'ul di, che no tu stas in zornade, opur no tu us dati lis mans ater. T'insegnarai jo, ce che tu has di fa par vivi di sior cun poce fadie.

Ciate fur un tirepis. che al ziri pe piazze e che al nalmi, cui che varess bisugne di un miar di francs. E il tirepis lu ciate siour. Tu par decoro no tu has di figurà, ma lasse, che il tirepis, a non so, al ritiri la cambial cu la seconde firme. Se ocorarà une firme false, il tirepis al sa dulà dà dal nas. Intant il tirepis ritire la cambial e al stabiliss, che dopo tre quatri diis il puar diaul al torni a cioli i bēz. Il puar diaul al ven e il tirepis al zure, che i veve promitude la some il tal, ma che lu spietave e che al è stat tradit ance lui. Par no mancià di peraule al ha dovut ricori a sior N. N. il qual par fa un plasè al fasè tacà un ciaval e ju a Udin. Zire di cà e zire di là, al ha dovut finalmentri fa une istanze ala Bance e presentà une seconde firme commercial cognossude in citat, a la qual al ha scognut dà une buine mandule e spietà fin tal indoman par javà i bēz. Il tirepis al zure su l'onor so, che tra l'interess a Udin, tra la mandule, tra il ciaval e lis spesis a la locande i son lās dusinte francs.

Ma culi nol fñiss dutt. Il tirepis al dis di vè dovut lassà une cuintricambial e incontrà chestis e chestis spesis. In fin dai cons il puar diaul, che al ha firmat par mill francs an tire siscent di restituissi dopo doi mes. Ma doi mes stan pōc a passà. Il sior al ul vè i bēz, il tirepis va a ciatà il debitor. Chest al pree di vè indulgenze; ma lis cambials no cognossin indulgenzis: o pajà e protest. Fur il tirepis si mov a compassion e al promett di studiai su. Tal passandoman al torne dal debitor. I dīs che

un tal al varess i bēz, ma al compro galet e sè no i dan il vodagn che i daress la galet, no ju impreste. Il puar diaul, che al ha il lazz al cuel, domande: ce tant? — Vedarai, procurarai di tirà ju. Intant par là plui sicur, si fas sottoscrivi une cambial in blanc. Dopo doi diis s-ciad la cambial vecie; il puar diaul bisugne che al viodi clar. — Mill e quattri cent francs ul ve il sior de galet, e cussi al pajarà lui la cambial ala Bance. Ohimè, o soi finit — No zove, il sior mi fas doman la proteste e jo bisugne che te la fasi a ti. Ecco doplis spesis, uscirs, avocaz, sentenziis, astis; altri che quatricent francs; e po il dishonori! Il puar diaul devi rindisi. Intant vegin altris disgraziis. La cambial si rinove par tre mes e si puarte a doi mill francs e po si stabilis l'ultim timp di quatri mes cun doi mill e vot cent francs. In te ultime cambial al figure creditor il tirepis, e chest cun att notaril al dà in pajament al so principal la cambial stesse. E il principal s'ipoteche e apene s-ciadude, al fas i azz esecutivs e al mande al'aste dodis ciamps e la ciase dal puar diaul e po al comprè dutt par quatri mill francs, che apene e bastin a pajà la cambial e lis spesis.

Cussi cun siscent francs tu podaressis, ciar Florean, in dodis mes vodagnà almanco dodis mill francs. No jè gruesse la torte, nol è che il doi mill par cent che in boccon o in bevande capitin a la fin da l'an; ma tant al è mior che nuje. Laressin po mior i afars, se tu ciolessis par socio Venturin e par tirepis Baleben. In doi tre agns podaressis fa passà in dite uestre i stabii di almanco *cinquante* sis fameis di contadins e po vendiju cun bon vodagn, senze pericul di là in preson. Al plui si comprometares il tirepis, ma tu no; tu invece tu laressis in carrozze e a la buteghe dugg ti fareassin riverenze. Florean, approfite e impare.

GISulfo.

declarazion d'amor e vie.

Naturalmentri, il plui des voltis, l'amor in dutt chest lavor i jentre come il fant di cope, e i jentre invece il caprici, il plazè di sodisfalu, la vapitat e il vanto di podè là ator sberland ai quatri vins lis lor aventuris amorosis e lis lor vitoris sul sess de-hul, plui o manco veris.

Saveso ce sodisfazion che jè par chei tai belimbusg a sinti a di pe citat che han tantis morosis, fantatis e maridadis, che la tal e jere innamorade a muart, al pont di dismentèa i siei doves di buine spose e di buine mari; che la tal altre e jè stade cussi stupide di crodi a lis promessis di matrimoni al pont di vè piardut ce che la femine e ha di plui prezios e di plui irreparabil.

Par chei individuos, vers serpins des fameis, no esist coscienze, no esist rimuars, di vè puartat il disordin, la discordie, la desolazion, la rovine in ciasis che, primè che lor si avvicinassin, e gioidevin la pas, la tranquillitat, l'afiet e la stime reciproche.

I baste di podè sodisfà lis lor ignobilis passions, i baste di podè fa vanto de lor abilitat e des lor vergognosis prodezzis e no si curin di nujaltri.

E saveso parcè che han tan ajar e tante sicurezze, par no di baldanze, te lor condote. Parcè che tant la sozietat, che o clamarai simpri ipocrite, quant la lezz, no han penis par cheste razze di int, vere peste dal mond. La sozietat i rid su e apene apene qualchidun al diis che il tal al ha fate une porcade, une infamie e vie discorind; ma e son robis che durin vincequattoris e po dopo buine sere sunadors: cui che ha la spizze al scugne gratassi. La lezz po nance no contemple i delis di cheste nature e tacitamentri e permett che i laris da l'onor des fameis e fasin il lor infam mistir a plazè dal gobo.

Ma ance par nè la predice e jè abastanze lunge e o mi riservi di tornà a ciacaraus cun qualche fatt particolar Joihe che ven. Intant us racomandi di fa Quaresime come che dio comande.

CORISPONDENZE DI FLOREAN

[S. Denel 6 Marx.

Vedut e considerat che aghe non d'è, e che la puare int e devi fà vitis martaris par pes-cià un po di fango si diseve di fà une dimostrazion parcè che chei dal Municipi e provedesin.

Ma qualche tirepis al va barbotand: Cui sono ches canais che si etolin il dirit di fa bordel parcè che non d'è aghe tai poz?

Doi puars diaui! Metiu in preson, cun tantis tassiss maledetissimis che si pae in chell mud abastanze barbar che nus es fasin pajà, che no si vedi po nance il dirit di reclamà un poce di aghe!

No saressial mior ciar tirepis di meti invece in preson ciars mangious?

Invidin la Zonte pe decime volte a fa il so dovè e a proviodi par che i contribuens a vevin almanco di vè un poce di aghe di bevi e di lavassi, e di no durmi dal siun eterno.

Doi comunisg.

Cividat, 12 Marx

Lustrissin benedet.

Lu prei a dai un tiron di orellis a chell tomo che mi fas continuamentri cori a scuodilu par che cene che l'ha divorade in t'un moment uè ving dis.

Cheste mi par che sedi culumie sporcie. O tornarai a bati.

Neron.

DOMANDE DI FLOREAN

Lustrissin Bernard Bembo

MARAN.

Che altre di o jeri impegnat in un afar e no hai podut capi il discors che fasevin doi di Ciarlins cull sula plazze, ma da ches pocis perawlis che o sintivi e disevin dal speziar di Maran, di chinin, di miedi, di muart.

Lu prei, lustrissin, se al sa qualche ciosse di chell afar a scrivimi subit.

Florea.

DA LA ZAE DI FLOREAN

Pluitost che ocupasi a fà semenà jarbe e flors, d'un sol di, intor al perpetuo monument del *Re Galantom* no saressial stat un moat mior se i nestris bogns paròns si fossin ciolte invece la brighe di fà scolpi sul zoeul relativ — ah, veramentri zoeul! — l'epigrafe comemorative detade *ad hoc* dal Senator Massarani? — Eh buzaris! No isal timp? — Capis... ma intant... — al ciad il mond, ise vere? — No, no...

par altri: ALTO LA' — dis il sarlatàn — no vorès, ce sajo jo? che si tratàs di qualchi impediment al'innesto (*) des letaris cu la piera dal ridet zocul dute plene, puarete, di *venis vericosis*!! La induvinio? la falio? Starin a viodi.

(*) Di no confondisi cun Sior Innesto.

Mi scrivin:

« Us hai dit une volte di ches dös mas-saris dal centro. Ben, une di ches e jè la-de pai trois, e che plui malandrete e jè re-stade, la qual invidiose di une gnove che no si po di nissun mal, pulide, insome un bon sest di fantate che ha ocupat il puest di che lade vie, une di si quistionavin e che malandrete i diseve in ce mud che podeva marziale cussì ben, in une ciarte maniere che cheste e fassas ciativis azions. Jo che la sai juste la facende, o dirai che ancemò no hai viodude cheste gnove massarie pulide, a fassì cocolà sui curidors come che si fas cocolà je, dulà che si sint a buine distenze a s-ciocà bussadis di dio, che mi sintivi a boli il sang anca a mi.

O dirai a cheste malandrete, che prime di pensà mal des altris e pensi a ce che fas che han d'ha avonde. »

Mi scrivin:

« In contrade Lovarie e jè une sartorie dulà che son quatri mestris e un cinq frutatis dai 16 ai 18 agns. Duncce chestis mestris e dovàressin insegnà il mistir a ches frutatis, invece poc timp fa un zovenot a une di ches i mande une letere su la qual al scriveve di fa l'amor. Cheste fantate e aete la letere e je mostre es mestris che dopo di vele ben ben lete, e han decidut di piciale cun tun spali fur d'al balcon. Ogni un che al passave al si fermave a leile. Viars mizdi al passe di che bande chell zovin che al veve scrite la letere, e se no fossin stas i siei compagns che lu han ti-gnut al voleve bastonà lis mestris.

Jo o disares che je ore di finile che chestis mestris e insegnin ches bielis robis e che dovàressin lassà che ognun passi pe so strade e si rangi tai siei afars senze che lor e vevin di intrigasi. Cussì al saress mior par lor e mior anca pes frutatis che no piardaressin timp a fa purcineladis. »

Ma lafesi ch'o sin ben servis di barbe e di piruchel Ste matine soi stat fur de Puarte di Puscuell e, tal tornà indaur o hai viodat, anzi amirat, che sfilade di Palazz;

fadie particular di Mestri Zeff *mini feceto* e Bastian puartave la concie

Oh, ce belezze!

Oh, ce grandezze!

Ce nobiltat!

Ce dignitat!

E l'architet nol è ancemò cavalir? *Crucifige, crucifige!*

Isal stat nance un batibù la setemane passade pai numars dal lott? E son vignus fur dugg chei che il popal al veve cumbinat sul suicidi di chell puar diani dal Mont! Cussì almanco e diseve la int, e par conseguenze unmontis di vincitis e forin in cheste ocasion.

Jo, se o foss tra i fortunes, o proponarès che a spesis dai vincitors al lott e vegnìs mitude, une biele lapide in onor dal muart. Diambar! Al ha anca dirit, parcè che in grazie di lui unmong e incassin dai bieì centenars di francs.

O ricev e o publichi:

« Un frutat al va a cioli aghe cun t'un cialdir tal pozz di borg d'Olee pai lavorens dulà che al è come garzon. E ul sfortune che il cialdir i coli tal pozz. Chest frutat nol saveve come fa par ricuperà il cialdir, e al lè fur de puarte e al ste ali avilit quasi quatr'oris, avind paure di tornà in buteghe senze cialdir. Finalmentri une femine i domande ce che al veve e lui i conta il fatt. Il cialdir lu ha ricuperat l'ustere de tor d'Aquilee e anin là a ciolilu e rispuidè la femine. E cussì il frute la femine e lerin da l'ustere par cioli il cialdir, ma cheste e disè che par tarife i spietavin 25 centesins, ma che par 14 i al vares dāt. Alor il frut al dovè tornà in buteghe, e un lavorent i ha dāt i centesins par contentà l'ustere che mett su des tarifs di gnuv genar. Al merite propit che il publich al sepi chest trucc par savesi regolà. »

PUESTE DI FLOREAN.

M. P. — *Tresesin* — L'impuart di 3 francs par l'inserzion da l'articul comunicat al ul pajat anticipat come che Florean al use simpri e cun dugg.

Anonim — *Premarias*. — A vo us ripet chell che o diis al sior M. P. di Tresesin.

Ai abonàs in aretrat. Florean al invade cheeg bogus siei amis a volè metisi in regule cul pajament des associazions, altrimentri al sarà costrett di sospendi la spedizion dal sfuei.

VINCENZO LUCCARDI, gerent responsabil.

Udin, Stamparie Achille Montalbani.